

聖人謂仲尼也

陳大夫曰奚以果明其聖叔孫卿曰能廢心而用形

聖境超殊非凡情所測徒見其能應接世務便證以爲聖人豈知其所聖哉

陳大夫曰弊邑則小亦有聖人異於所聞曰聖人曷誰陳大夫曰有亢倉子者偏得老聃之道

門人之中最爲稱首故曰偏得也

其能用耳眇而目聽定公聞而異焉使叔孫氏報聘且致亢倉子待以上卿之禮亢倉子至賓于亞寢

亞寢公之次殿

道藏輯要

洞靈真經

七

女集七  
川上三

魯公卑辭以問之亢倉子曰吾能聽視不用耳目非能易耳目之所用告者過也公曰孰如是寡人增異矣其道若何寡人果願聞之亢倉子曰我體合於心心合於氣氣合於神神合於無其有介然之有唯然之音雖遠際八荒之表邇在眉睫之內來于我者吾必盡知之乃不知弱是我七竅手足之所覺六腑五臟心慮之所知其自知而已矣

心形混合神氣冥符洞然至志與無同體然後心彌靜而智彌遠神愈默而照愈章理極而自通不思而玄覽非夫至聖至神其孰能與於此哉斯固靈真之要樞重玄之妙道也

用道篇第二

無非利物上合天心  
克己歸仁化行刑措

天不可信墜不可信人不可信心不可信惟道可信賢主秀士豈可知哉昔者桀信天與其祖四海已不勤於道天奪其國以授殷紂亦信天與其祖四海已不勤於道天奪其國以授周與猶以也祖猶主也夏桀殷紂耽淫奢縱自云有命稟於上天窮凶肆虐不修其道故天奪其國以授於湯武

今夫墜音農墜實生百穀不力於其道墜竊其葉稼而荒翳之

墮農之人信墜生穀不勤耘耔荒蕪故不能獲葉稼齊后信人之性酬讓不明於其道舉全境以付人人實鴟義而有其國

道藏輯要

洞靈真經

八

女集七  
川川

后君也齊簡公也信人性不明酬讓為陳恒之所弑而取其國鴟義喻貪殘也

凡人不修其道隨其心而師之營欲茂滋災疾朋釁戕身損壽心斯害之矣

人自師心不遵聖教營欲熾盛百殃斯集此乃心為身害朋猶羣也釁猶動也戕害者也

故曰惟道可信

道者坦蕩恬怡無所染著人能虛心歸道則身命保全也

天墜非道不能悠久

天得一以清地得一以甯

蒼生非賢不能靖順庶政非材不能蘇理

賢材皆用道以理物

夫用道之人不露其用福滋萬物歸功無有潛功密濟百姓謂我自然

神融業茂靈慶悠長

融通也神理通達德業榮茂積善所鍾慶流後裔也

知而辨之謂之識知而不辨謂之道識以理人道以安人

辨析事物使人去惡就善所以理人也含弘沖寂無所毀譽所以安鎮浮競也

夫雞辰音而作負日任勞流汗灑墜夜分僅息譽夫之道也

道藏輯要

洞靈真經

九

友集七

雞晨謂雞鳴之旦也夜分中夜負日為日所曝也僅少也

俯拾仰取銳心錐撮力思搏精希求潤利賈監之道也嚙氣谷

神宰思損慮超遙輕舉日精鍊仙高士之道也

嚙氣胎息五牙之類也谷養也宰割也日精吸日精也鍊仙

鍊質專而乃昇仙也

剽情端想畢志所事倫揆忘寢謀効位司人臣之道也

專情正想盡忠於所事之君導理揆度効功於所司之位是人臣之道也

清心省念察驗近習務求才良以安萬姓人主之道也

清心寡嗜慾也省念無私也近習謂近臣

若由是類之各順序其志度不替音塞其業履是為天下有道  
農夫賈豎各保其業明君賢臣各修其道則天下順序而業  
履安定者也

導筋骨則形全翦情欲則神全靖言語則福全音尅此三全是  
謂清賢道德盛則鬼神助信義敦則君子合禮義備則小人懷  
有識者自是無識者亦自是有道者靜默闇鈍者亦靜默物固  
有似是而非似非而是先號後笑始吉終凶身可親而才不堪  
親才可敬而身不堪敬敬甚則不親親甚則不敬親之而疎疎  
之而親恩甚則怨生愛多則憎至有以速為貴有以緩為貴有  
以直為貴有以曲為貴百事之宜其由甚微不可不知是故智  
道藏輯要

洞靈真經

十

女集七  
X—X

者難之靜則神通窮則意通貴則語通富則身通理勢然也  
王本云理勢使然也

同道者相愛同執者相嫉同與者相愛同取者相嫉同病者相  
愛同壯者相嫉人情自然也

情通無求則相愛爭能尙勝則相嫉勢使然也  
才多而好謙貧賤而不詔處勞而不為辱貴富而益恭勤可謂  
有德者也

政道篇第三

順天行令不撻親疎  
異域同歸望風而靡

人無法以知天之四時寒暑日月星辰之所行若知天之四時  
寒暑日月星廼之所行當則諸生血氣之類皆得其處而安其